

痘學真傳

四五六

中武9  
602  
3

三



武  
602  
卷 3

痘學真傳卷四目錄

華文李遺孤

太史秦對巖子

銓曹華鳳超孫

庠彥秦瀛僊子

華行可遺孤

考功顧松交孫

進士薛子壽孫

庠彥華民芻孫

太史張臣若女

孝廉王公武孫

庠彥秦丕仙女

宮保張靜涵孫

孝廉顧修遠孫

都督楊大宗子

丁亥冬余初得一子

陝西甘肅子

讀本記

司理陳洪瞻孫

太學秦亦仙子

湖州郡守吳蘭次孫

客船女

梁溪學師郝元公子

華公安女

學憲顧勉齋孫

徐婦

遼左進士莊廷標子

太守鄒木石孫

秦澗碧子

進士侯朝賓孫

華歌虞子

方伯薛國符孫

兵憲曹履垣女孫

儀部周玉鳧孫

華備基子

州司馬華天翼子

孝廉華子開子

太學倪建侯孫

方伯邵空齋孫

庠彥侯清臣子

孝廉鮑尚侯子

有道高南旃孫

孝廉季聖昭女

鄒子達子

族侄若谷子

庠彥錢公健子

次兒敦本

廣東副使王雪肝孫

孝廉鮑武廬女

進士華遜來子

孝廉堵禾齋女孫

華亦菴孫

宜春令華遜愚孫

華民誦子

貢士胡文其女孫

封翁鄒淡巖子

孝廉秦襄雷子

國博馬大林女孫

歸安令黃存是孫

庠彥虞道巖子

庠彥秦漢仙子

痘學真傳卷之四

梁溪葉大椿子容甫著

吳三觀子瞻

弟子瓚山英

門人華若虬松孺全較輯

甥李禾硯亭

秦汝淳師程

醫案

華文季遺孤素稟有餘八歲冬月出痘大熱煩躁引



飲不食無汗多淚六脉洪數至兩日而頰見痘成片  
色如紅錦鬱熱毒盛之症也用黃連犀角牛蒡葛根  
等味清解之一日連進三劑神思畧清四肢亦透痘  
密而勻但面上焦紅未退且不肯服藥用菘荳橄欖  
煎湯磨犀角四五錢連服至五朝始齊脹痘頂放白  
根顆肉地稍分別淚亦漸少六朝漿起殊速但不思  
飲食唇腫大便六日不通忽去薄三次此火邪發洩  
之驗仍用犀角磨服漿遂足不破不癢至十四朝胃  
口頓開犀角湯方止二便亦如常二十朝而靨後因

用厚味過多停滯胃家三更時亥子交會氣不得轉  
厥逆昏暈聲如拽鋸口吐痰沫手足震掉欲絕速按  
湧泉穴痰畧吐內用承氣湯外用艾熨法黎明大去  
宿垢而甦甦後遂輟藥啜粥一月俟六脉調勻虛症  
已現常服人參以固其本

太史秦對巖子天元不足三歲暑月出痘根顆色澹  
皮薄光亮而無血澤頭面四肢密甚此毒甚而氣虛  
也所喜者肌肉潤澤手足溫和用養血升提之劑四  
服至五朝而根腳斂次用獨聖散調服前藥漿漸充

滿但澹白如初至八朝小腹忽飽脉緩能食此毒盡而氣虛愈甚也連進陳氏異攻散二服諸症悉平愈後常服獨參湯向初生時兩目有薄翳余曾禁其外治今痘後潮熱不止兩顴皆紅服金鳳丸一年元神足熱止目翳亦退

銓曹華鳳超孫脾土素弱嚴寒發痘身熱六七日不見點用參蘇飲二劑痘始出頂平塌色紅澹不一根脚乾枯此脾氣本衰血少而毒盛也用陳倉米煎湯以扶脾氣入四物湯加牛蒡山甲以養血攻毒二服

贈痘俱發前症悉愈六朝服保元湯每日一劑回脫乃輟

庠彥秦瀛仙子五歲昏暈厥逆口吐涎沫譫語角弓反張面青目上竄腹痛如刺按之有塊六脉弦數右關尤甚此木乘土位而發驚搐且食多傷胃肝脾二臟受病痘遂乘病而出論者俱謂傷寒夾驚遲疑未定余用連翹升麻湯二服諸症減而腹痛愈甚痘甫見點奈細密焦紅特甚急用承氣湯一服大下宿糞痛遂止痘始大發但推蕩已過再用攻伐之劑恐難

于成漿收斂然大毒未出非帶攻發不可乃用養血扶脾佐以山甲僵蠶大劑服之八朝漿足九朝回起半月而愈若此症作驚風妄治悞投金石之劑沉寒膠錮痘毒內攻必致悶伏不測矣

華行可遺孤平素多痰三歲乙未冬出痘發越頗艱連用溫煖升發之劑痘始見點面部成片印堂畧分顆粒色乾紅而腹飽氣悶煩躁不寧更用攻毒養血藥至六朝上部漿足下部不起痘頂陷色灰白無神根脚散漫用保元湯一晝夜服人參兩許週身始紅

活有漿每日用參三錢痘雖回靨但瓣薄血少身冷無神六脉不起至十六朝更餘忽昏暈寒痰上湧手足戰掉汗出如雨少頃四肢僵直見者俱謂不起急用人參三錢加桂附煎服漸漸溫和而甦爾時醫者悞認驚風欲用牛黃丸清之又以五日不大便又欲用行藥利之不知腸胃爲陰寒錮閉非宿食壅塞倘悞投通利則虛脫不可爲矣用附子理中湯四日而病愈次用胆導法去乾糞寸許餘皆痰沫連去三四次照前方製丸常服痰症遂愈

考功顧松交孫女發痘，血熱毒盛，三朝往視，痘尚未齊，紅色太甚，肌肉不分，治宜攻發，涼解，但涼之太早，恐痘出不快而成倒陷。若槩用攻發，又恐漿難貫頂，忽變孤癢。余連製二方，先進升發一服，以透其表。至五朝痘齊足，後用黃連、地黃等藥，以涼解之。血熱得涼，漿自充滿，亦不發癢，自然及時回脫，只不可用參耆耳。先是世叔黃瑞芝已調治三十日矣，邀余診視，不過畧相衡較，適晤對間，證治意指，脗合如券，可見父師授受，分毫不爽如此。

進士薛子壽孫，次君遺孤也。三歲春寒發痘，煩悶不寧，身不熱而內熱，口臭，脈洪數，多淚，大渴引飲，惡食。此熱壅于內，寒閉于外，初用升發，其症尤甚，頭面腫脹，眼遂合，週身忽見點，俱白色，無根，未半日，盡變水泡如珠，此寒熱相觸也。連用竹葉石膏湯二劑，水泡盡破，煩躁少止。六朝而身始發熱，有汗，再進犀角地黃湯，遂洞泄，穢氣不可聞，眼頓開。至九朝方見紅點，根頂潤澤。至十二朝始齊，但兩腿乾紅，仍用犀角地黃湯而漿足，水泡處亦破爛作膿，惟乾紅處雖起脹。



而灌黑膿，再服前方黑膿變黃，至十七朝，頭面回起，二十五朝回足，回後常服前藥，四十日始愈。

庠彥華民芻孫，痘密毒重，幸元神充旺，可輔齊脹成漿，至八朝，痘忽塌陷，灰白，謔語不寧，用保元湯二劑，痘復起，神思稍寧，陰囊玉莖忽紅腫，此至陰之位，真氣不能上升，鬱而為腫，用肉桂保元湯三服而愈。

太史張臣若女，平日膚理黃白，少神，飲食不節，五歲，痘出粗肥，毒不甚重，但冷汗不止，身不熱，右手脈大，腹飽，不思飲食，痘形雖大而無贈點，色帶澹白，此痘

前飲食傷脾，脾不運化之徵也。若不早治，積留于內，痘後恐成痲疾。用消積丸二服，食消汗止，胃開，續用人參，佐以升發養血之劑，色轉紅活，週身贈點俱出，漿足而愈。

孝廉王公武孫，四歲出痘，四朝往視，痘密甚，色俱乾紅，間有焦黑者，面不腫脹，而兩眼封合，舌有胎刺，唇腫，乃肝火旺極，鬱熱毒甚之症也。余許其可治者，痘形粗糙，摸之碍指，用黃連、地黃、山梔、牛蒡等藥三劑，色潤漿起，但神思不寧，煩躁叫號，徹夜不止，至十朝

痘已漸回前症不減用藥如前不效加人參二劑亦不効至十二朝肩背兩膝發痘疔四五處而前病仍未退更加咬牙譫語逢人欲噬患者指甲齒至血淋此係熱毒未經盡洩而然仍用前方加減早晚各一服外敷拔疔散過二十朝漸減時因渡河遭水厄懇辭之託道兄張涵臯調理月餘而愈

庠彥秦丕仙女七歲患痘細密不勻皮薄光嫩頭面胸背及兩腿多聚痘如當十錢大聚痘處恐其灰陷不起週身又恐其毒盛血虛漿清易破用四物湯加

山甲雞頂血三服色漸紅潤皮畧厚而有漿其聚痘四圍俱敷拔毒膏始發頂灌漿至九朝稍稍回起不癢不破但覺神思倦怠仍用四物湯加黃耆甘草服五六日而盡回此症係氣血兩虛七朝以前火毒已解七朝以後宜峻用人參今不早用者祇因頭面過密參力太補恐成癩爛甚則眼目帶疾直待回脫已畢始常服之以補其元

宮保張靜涵孫三歲庚戌冬嚴寒發痘形色焮紅密如聚粟兩頰天門不出治者俱謂毒氣阻塞刻意攻

毒遂加煩躁，痘皆停伏，四朝往治，咳嗽微痰，冷過于膝，脈浮數，此爲風寒所襲，毒不能發，致兩足湧泉俱凍結如冰耳。蓋陰寒凝結，真火內伏，故太陽不起，欲發其裡，先解其表，欲治其上，先溫其下，遂內服九味羌活湯以疎其表，外用荆芥白芷芫荽澹薑煎湯薰蒸洗足，以溫其下。週時而天門兩頰盡起，兩足溫和，痘雖稠密，獨喜紅潤，治者猶謂血熱，恐防臬癢，欲用紫草犀角之類涼之，獨不知此痘生機全在色潤紅活，漿卽血也，紅活始可灌漿，毒藉漿而出，則結靨收

功矣。余猶嫌其身半以下色澹，尚宜活血扶漿，欲用四物湯加酒漿紅花以助生發，始得週身漿滿，奈當時主見不一，但輟寒涼而不能全投，余劑頭面漿足始回，下部微漿，遂乾回矣。幸餘毒已離臟位，盡在肌肉之間，大勢無傷，調治半月，四肢俱發，毒服參扶脾而愈。

孝廉顧修遠孫二歲時五月酷熱，出痘已九日，二鼓召余往視，哭聲震內外，主翁揮涕謂余曰：悔不早延君治，今無及矣。時患者已移地上，見肉理尚有生氣。

脉未絕，痘形密而甚細，皮薄漿清，一齊回靨，此暑天汗出表虛，腠理不固，故細密色嫩漿清，非毒盛也。雖齊靨，非倒靨也。適臥樓在西，忽爾中暑，余遂禁止哭聲，移帳地上，令患者照前獨臥，暗室熄燈，四圍多貯井水，令一乳母在帳外靜守。至五更而甦，索飲食，黎明，主翁邀余用藥，余云痘已愈矣，不必治。若詭製丹藥以欺人，不爲也。遂不藥而愈。噫，當此神氣虛極之際，設再環聚叫號，暑氣愈甚，驚氣頓入，則神離在彈指間矣，可不慎哉。

都督楊大宗子，六歲出痘，根粒粗綻，起脹成漿，俱及時而至。七朝漿已半足，有悞指爲虛寒者，用桂附一劑，患者遂昏聩不醒，闔屬倉皇無措。邀業師黃五芝調治，余因隨視。六脉洪數，舌乾齒燥，唇腫，偃臥不甦，已三日矣。痘色雖乾，猶幸根腳不散。師遂用麥冬黃連甘草菴荳陳米等煎湯灌服，外用胆導法。五更漸甦，調理數日始愈。奈桂附之毒不能盡解，左目有疾。丁亥冬，余初得一子，甫三月而出痘，週身僅得三四十顆。家君嫌其頂平根散，痘後脾胃有病，易感驚搖。

時族叔紫帆世兄伍聞橘俱過視議論皆然云必服人參半年可無他恙目前膚理多紅暈用炒黑荆芥升麻連翹川芎徐服一小劑肉裡清爽奈痘初脫時湖濱盜劫骨肉奔竄不及調治更受驚觸後寓虎丘發驚而斃

陝西甘商子六歲發痘壯熱腹痛煩悶譫語尋衣撮空用大承氣湯下之黑水出而狂亂如前反增口臭舌胎再進承氣湯加黃連牛蒡一大劑大去宿糞諸症始愈四朝痘齊發如期起脹成漿至八朝發癢忽

變澹白用肉桂保元湯五日而愈

司理陳淇瞻孫令嗣子發遺孤四歲冬十一月發痘將見點眼遂合唇腫口臭身大熱見點三朝痘色光白如珠根盤不起不分大小連用升麻葛根湯其勢轉劇更加洩瀉不禁飲食不進口渴煩悶幾三晝夜矣細察之乃實熱壅遏而未發外寒閉錮而欲解也急宜發表清火用犀角地黃湯加升發藥二劑至六朝已出者轉紅有根新透者堅硬尖潤兩眼開唇腫口臭之症俱平此寒邪散而火毒解也再將前藥加

減服之漿灌收靨但曲池委中毒氣不能運化腫脹如筆盤用參耆歸地專補血氣少佐之以金銀花連翹兼解餘毒禁用敷藥諸患悉除獨曲池移腫于尺澤不紅不熱週年後精神復舊乃愈

太學秦亦僊子五歲冬月出痘腹痛嘔逆六脉洪大身體壯熱此毒盛實熱之症用承氣湯加山甲二錢下之三朝痘發齊密甚且乾紅少澤惟喜根顆不散患者週身痛楚乾熾不食七渴引飲用犀角地黃芩歸牛蒡以養血清火另製山甲末三兩加棗荳陳米

煎湯任其恣飲至七朝漿足八朝回起前症悉愈胃口亦開但毒留關節而疼痛復用穿山甲五錢煎湯煮粥每日一劑餘藥盡輟痘遂發臭服六日而回脫後用六味地黃丸加參耆空心常服以補不足又用金銀花膏以清餘毒

湖州郡守吳菌次孫三歲五月傷食受驚身乍發熱不週時而見點遍體俱并塊如錢樣梟紅乾嫩獨背俞如手大者兩片隼陷不起更加熾逆咳嗽此脾虛毒盛炎暑攻激故驟發而不勻也用黃連清暑湯三

劑色潤澤背俞畧起仍用前藥加僵蠶山甲升麻歸地等三服焦色盡退陷起尖俱灌漿噦嗽皆除但晝夜洩瀉二十餘次此毒因利解鬱火宣洩而然不可悞作虛症驟用溫補仍涼解而愈

客船女十四歲出痘血熱稠密如法調治而愈自後每飯必食以鯨肉如無則啼哭不止嘔逆悶亂凡二載肌肉瘦削復來就治先用補脾丸五朝至第六朝仍以鯨肉少許食之隨用追虫散五錢調下當午下虫如鯨者十二枚大如五銖錢頭足具備乃痘後飲

食不節未經溫補之故也明知是虫而先進以補脾者蓋脾胃虛則虫勢盛雖欲取之徒傷中氣而虫不爲動也必使中州健運則虫不自安再誘以鯨肉則頭向上然後追之無不效矣

梁溪學師郝元公子四歲嚴寒發痘時時噴暈口吐痰沫戴眼口噤尋衣撮空四肢厥冷初用防風羌活湯兩劑不效次用麻黃桂枝湯三日始見點而發驚如初又加腹脹煩悶五日不更衣用調胃承氣湯加煨薑煎服大下宿垢痰沫痘透齊而神氣始清內治

之外更妙在多置圍爐，幃幙溫暖，患者不離懷抱，下部俱煖，乃能起脹成漿收靨，俱及期而愈。

華公安女十三歲出痘，毒盛血熱，十朝往視，痘根集紅欲散，痘頂微漿，俱灰陷，面腫退而眼忽開，六脉將絕，細閱前方，盡服涼血清火，此刻又云氣虛，宜參耆補氣，皆非其治。夫痘屬血熱者，固宜涼解，但涼血太過，則毒氣冰伏，至若悞用溫補，則毒邪脹閉，莫可爲矣。遂用穿山甲一兩，將米湯煎服，服過身大熱，煩躁痛楚，甫六時痘俱起，再用一兩照前服，週身起水泡。

發臭，但昏暈不醒，謔語喃喃，再用山甲五錢，生地三錢，人參一錢，服兩日，週身俱起薄漿，能食神爽，便有回色，患泡處生蛆無數，內服獨參湯，外用敷洗法，一月而回靨，嗣後常服清火養血膏，以消餘毒而全愈。學憲顧勉齋孫年甫週歲，向患洩瀉之症，發熱前更甚，診其左手脉大，起伏有神，知其將來出痘，用木香異攻散兩服，先止其瀉，此與苗頭瀉者不同。一因毒盛火泄，此因脾虛水瀉，若不早止，痘不能發，卽發亦不起尖矣。身熱二日而見點，細密皮薄，三朝痘色無



神勢欲陷伏且倦怠不寧身冷多汗用保元湯三服至六朝前症俱平痘卽起脹灌漿但泄瀉復作用十  
一味異攻散而止

徐婦年二十五歲出痘先腦痛腰酸膝軟蓋以痘毒必從腎家而發也兩日始發熱煩躁悶亂左脉大于右手洪數有力熱二日見點極粗而密色帶隗紅痛楚殊甚用生地二兩佐以芩歸牛蒡連翹等藥二劑痛止三朝齊足仍用前方每日一服不用攻毒等藥蓋因起勢甚速飲食如常腹中寬暢故耳至五朝頭

面痛起甫週時移痛于胸背次又移痛于兩臂兩股次移痛于手足俱週時而止蓋漿行十二時以漸而來也用前方加黃耆五錢以助表漿足之後痘粗如碁始終以本方爲主治蓋婦人以血爲主且痘症全賴血和以成漿收靨故以養血爲正治

遼左進士莊廷標子四歲正月發痘面色皸白表不大熱汗出不止天門獨見二三粒至三朝他處竟無一點氣短怯而乾噦不食此孤陽上炎之象生化之機不行久則變生不測矣用攻毒升發之品下咽而

吐脉見浮濇腹中作響心口脹滿問其平日喜吃麵食生冷因合前症乃脾胃濕熱痰飲稠結中氣不能暢達諸痘所以不出也猶幸內毒本輕勢無大患急用二陳湯加蒼朮枳實草菓萊菔子二服胸腹平復汗止前症悉減身始發熱至五朝而週身出痘百餘粒回曆後服人參白朮丸三月舊疾皆愈

太守鄒木石孫嘉遠子五歲發痘向有驚疾不久自發甫見點驚又至此與因痘發驚者異治蓋因痘發驚乃心火上炎似驚而實非驚此則肝胆素虧而然

猶幸痘點勻朗不爲驚碍用鎮驚疎洩之劑兩服而驚止四朝痘齊足連用前藥以防再發至十日而痘愈愈後常服家傳癩症丸藥人參湯化服三月舊病悉愈

秦澗碧子六歲乙巳春有微疾邀余診視乃偶傷風食無他恙也但尺脉獨旺推而下之直冲尺澤且小便通利而無雜症余云將來出痘切勿易視主翁曰痘已出過二載不滿三四百粒諸師曾來調治余聞而疑之痘若出過兩尺便當斂伏何脉不應如此卽

兩尺仍大，前痘必屬險症，何稀疎若此，前此必非正痘也。遂直告主人，至次年五月更餘，召余，時痘已五朝，猶未知也。因前醫反認別症，敷藥毒竟內攻，不可治矣。大凡治痘者，認痘爲入門第一，出痘者，切不可因其稀少，不與識者一眛。

進士侯朝賓，孫素稟怯弱，將發痘時，不壯熱，不煩躁，兩日不大便，亦不脹滿，甫見點，輒用蜜導，得薄糞而氣洩，發痘甚緩，色不紅，酸反用犀角紫草，則冰伏不出矣。至五朝，召視，用大劑芩歸加鷄頭血酒漿兩服，始發齊而紅潤，六朝漿起，續用保元湯四服，漿足回靨而愈。

華歌虞子七歲，四月發痘，六朝召余，痘密無空處，隗紅乾陷，下部尤甚，週身聚痘，乾陷且黑，內熱煩躁，咽喉閉塞，若不速治，恐聲啞瘡熾等症隨至矣。用百合一觔，橄欖半觔，搗自然汁，和棗荳湯，加蟬蛻一兩，麥冬二兩，牛蒡子五錢，煎服。一劑喉響，服三劑隗紅退，熱亦減，蓋肺氣清，皮毛之火毒宣洩，則周身之營衛條達，故蓄熱黑陷皆除也。但漿不甚起，毒無由盡出。

前劑雖爲峻猛直入，然不過清其炎上之火，與發痘無涉。時入朝傍晚，將藥敷圍聚痘，仍用前方去百合，加山甲五錢，一服而身大熱，煩渴引飲，二鼓，陷伏俱起。次日晡時，更進前方，加黃耆三錢，生地三錢，復大熱如前。至十朝而週身漿足，遂輟山甲，忽咬牙聲振，謔語喃喃，此中虛火炎，山甲未免燥烈，攻發虛火，火逞其勢而有此症。遂用人參一錢，陳粳米煎作倉廩湯服，前症卽止。甫六時復發，再服又止，數日方愈。廿餘日回脫，嗣後變症雖多，加減八物湯常服而愈。

方伯薛國符孫甫，週出痘，尚無識認，在視已二朝矣。毒甚輕，週身不滿百粒，但澹白無神，脾氣弱極，治宜專急補脾。痘後可無他患，遂常服人參，精神倍旺。兵憲曹履垣女孫，向患疳積，胃腕痛，將發痘，身壯熱，嘔吐酸水，胃痛尤甚，手足厥冷，痛卽暈倒，六脉弦緊。此毒熱內攻，虫積不安于胃，故諸病齊作也。若論痘症，而已報點，雖密無害，不合現前症，用追虫去積丸，大去虫積，諸症悉平，痘亦齊發，後用人參而愈。儀部周玉鳧孫三歲，五月出痘，五朝往治，痘密而勻。

皮色眈白，頂峻根紅，腫脹痛楚，此痛雖因起脹成漿，實由大毒鬱于皮肉間而然。余用養血解毒之劑，至七朝頭面漿足，下部亦漿，大便秘作瀉，微癢，此爲毒火交迫所致。法當用黃連連翹白芍丹皮等清解之劑，俟其毒盡而利自止，火散而癢自除。適醫者認作虛寒，連進參耆訶子肉桂等藥，愈洩愈癢，竟病脹滿而殞。蓋不察表裏，不得病情，實寔虛虛，天枉不可勝數。書告同志，幸相儆勉。

華備基子，平素飲食不節，五歲隆冬出痘，外爲寒氣閉塞，內爲飲食停滯，毒伏于內，發越維艱。苟治之不得其宜，遂成悶症。座有同道擬議不決，余用麻黃湯一劑，先發其表，寒雖未盡解散，而內毒已得升提之氣，隨用承氣湯下之，瘀積得去，而痘粒仍不下陷。法在先表故也。痘遂出，再用川芎升麻等藥二劑，痘齊發，起脹成漿，如期而靨。

州司馬華天翼子，四歲庚子四月出痘，三朝痘細如針頭，肌肉昏暗，若夾痧疹，乃內毒本重，而復感風寒也。用升麻葛根湯，加炒黑荆芥川芎山甲牛蒡等兩

服若疹者盡退，痘肉分明，五朝漿起，根澹皮薄，恐虛癢早發，卽空倉破陷，若驟用參耆，文恐補之太早，毒壅于臟而成脹滿，遂用養血之劑以扶痘，痘得血則漿有生化之源，毒藉漿而解，縱癢亦無害矣。七朝漿足，八朝發癢，幸破碎處畧有鮮血，用保元湯一服，癢止作痛，堆沙結靨，後常服參耆，半月而愈。

季廉華子開子，七歲出痘，面頰紅赤，唇腫口乾，狂躁不寧，奔仆于地，則昏暈不知，不更衣者五日，此陽毒上炎也。先用黃連解毒湯，入茅根煎服，火勢畧退，次

用前方加入大黃下之，痘齊漿起，但痛楚殊甚，八朝潰臭，半月而後回脫，自下後數日，日用清火涼血之劑，始得收功。痘後服金銀花膏，餘毒盡解。

太學倪建侯孫，天元本弱，三歲發痘，稠密乾紅，煩躁惡逆，多淚口臭，幸痘粒圓勻，根顆不甚散，目前亦可無事，將來甚費調治，蓋脾胃弱，痘毒重，必待毒盡而後安，毒若未盡，痘後終屬可虞，苟失調養，瀉痢風驚，一作遂不可爲矣。此症必週年內使元神完固，可保無虞。余曾直言，奈主翁不信，甫週，患內毒下痢不治。

方伯邵空齋孫五歲冬月出痘不戒嚴寒幸本元充足四朝往視痘粗而密頂平根固週身俱透獨天庭點粒不見煩躁殊甚或云攻毒或云升發議論紛紛兼以作瀉不禁晝夜數十次復議補脾止瀉六朝余往治細察之足冷如水寒氣閉于湧泉不能上達天庭是以頂足俱無蓋毒已離于臟位不得透發故鬱而作瀉若欲止瀉急宜發痘若欲發痘急宜煖足將防風桂枝荆芥白芷煎湯洗足隨用湯壺煖之未週時而足溫天庭齊發兩足亦透痘盡出火氣已洩瀉亦隨止不半月而愈

庠彥侯清臣子甫週歲面上發瘰醫者悞認爲痘召余診視余言脾肺受風鬱而生瘰非痘也主人不信深藏帷幙又不洗澡五日週身瘡癩發齊癢甚醫云蛇皮發癢不治復召余診視余令抱出中堂外用荆芥苦參煎湯洗浴內服疎風散二劑瘡遂愈  
孳廉鮑尚侯子出痘初出時室中已有痘瘍者因觸其氣先發隼頭大粒者數顆此外因也不可認爲正痘時內毒將發用解毒藥一劑外邪解身遂熱痘密

而勻一見點便攻毒連進三服六朝成漿九朝回起半月而愈

有道高南旃孫天元不足週歲發痘六朝就治痘甚稠密灰白無神皮薄眈白腹飽作瀉六脉如絲症屬氣血兩虛幸內毒頗輕治宜補氣扶脾脾運則血和血和則毒化遂連進大劑保元湯而愈後將本身痘痂臍帶爲末加人參一兩肉桂三錢每朝米湯調服三分如是兩月精神倍壯此反本還元之意也

孝廉季聖昭女三歲出痘三朝往治痘形細密皮薄

色澹恐其漿清發癢用四物湯加山甲升麻養血攻發七朝漿足但身半以下根脚不斂間多空倉慮其倒靨用肉桂保元湯加歸地服三日色轉蒼蠟皮厚漿足而靨

鄒子達子六歲己酉冬月出痘頭面密而分顆兩腿以下稠密無縫皮薄色白此因本元虛弱兼之天寒閉塞陽氣不能上升以芎歸桂枝等藥二劑色漸紅潤五朝起脹眼封合但下部血色欠活用四物湯加肉桂山甲三劑始發熱起脹八朝臉上回起下部漿



行十朝服保元湯五日回脫後用八味丸煎參湯過  
下二錢週年始輟

族侄若谷子平素內熱常用三豆湯調服玄兔丹三  
歲發痘勻潤畧嫌皮薄此火毒輕而脾肺不固初發  
遂用八珍粉煑粥常服如期而愈夫痘在數日之內  
起發成漿回靨全賴脾胃運化向來脾胃全副精神  
盡在此時發洩脾胃之勞極矣若飲食稍多便停住  
不化速則目前嘔逆飽脹遠則後日腹痛疳積凡此  
數日之間忌用糯米薏苡一切難化等物蓋爲脾胃

不及運化也必俟回脫之後多服人參湯液使沖和  
之氣勝舊然後進以八珍糕等則脾胃得化今此子  
初見點卽服者蓋因痘前火毒已解未經作漿脾胃  
健旺先補之則漿自足而實不傷脾胃以至結痂脫  
靨皆得其力總因從前火毒俱消也此法不可一槩  
而施

庠彥錢公健子暑天出痘已三朝矣躁熱殆甚咸謂  
天泡瘡余往視痘密俱成水泡光亮如珠此因暑天  
素多汗洩腠理不固故齊湧而皮薄甫見點時又爲

酷熱冲激遂變水泡用清暑解熱之藥磨犀角連進  
二劑暑氣全消五朝贈痘亦發皮厚色潤尖圓可喜  
與初出者迥別起發亦速不數日而靨

次兒敦本三歲冬發痘稠密無縫嬌紅皮嫩驚搖不  
止升發之劑下咽卽吐遂用山甲牛蒡犀角黃連三  
服五朝紅色退漿起七朝發癢面無完粒眼遂開外  
用摻藥內服四物湯加黃耆山甲牛蒡等藥癢遂止  
八朝堆沙十二朝服人參而漸回脫

廣東副使王雪肝公孫時晉公子未二週而發痘毒

雖輕天元不足澹白無神痘將回當用人參時值嚴  
寒冒風微嗽本家畏忌不敢驟用至十四朝陡發壯  
熱胃氣亦減至二十一朝兩目邪視面色枯白聲音  
低弱熱仍不減舉家倉皇余力主投參兼貝母橋紅  
蟬蛻等藥每日一服數劑復舊向因扭于肺感風寒  
不宜服參之說幾乎坐視其敗獨不知脾爲肺母人  
參補脾則肺金得其所養所謂虛則補其母也  
孛廉鮑武廬女五歲出痘頭面稀少手足獨多俗呼  
四柱痘卽古云斷橋痘也此中氣不能健運故聚于

四肢而不及于胸背，過八朝則乾靨不食，變生不測矣。用補中益氣湯兩服，五朝胸背俱發，再二服，少腹亦現四五粒，兩臂兩股俱有，週身氣脈流通，根紅漿滿，遂常服補脾丸而愈。

進士華遜來子，未週出痘，痘甚細密，色澹皮薄，喜根顫紅潤，但嬰兒幼小，不堪過用湯藥，然又未可輟而不治，治宜攻發養血，世兄伍聞橋調治，已合法矣。至七朝虛煩作癢，余往視，卽前藥中加參耆各六分，徐服六時，癢止，後照方調治五日，板痂俱厚，餘毒盡解。

元氣如舊。

孀廉堵禾齋女孫，四歲出痘，痘殊密，七朝往看，週身痛楚，口多痰膩，作渴，痘根俱乾紅，連肉，痘心俱灌濃漿，但不透于根顫，幸皮色粗厚，不致潰爛耳。此因初發時未經涼血解毒，毒壅之症也。用犀角地黃湯加蟬蛻三錢，黃連一錢，服二劑，痛止紅退，肉色亦潤，口內亦清，復用前方加山甲二錢，更進兩服，十朝而漿皆充滿發臭，更五日而回脫。

華亦庵孫，五歲春，身乍熱，頭面週身痘點，一齊密布。

色甚乾枯六脉細弱向因脾胃不足若過攻則有虧本元輕劑又難托大毒細審其裏飲食二便如常不渴不噦喉舌清爽更察其表痘體尖圓雖乾而皮厚夫脾主肌肉脾陰不足則外衛不固故痘一湧而齊出也其乾枯者脾家本少津液非盡因火燥也症屬外險實可挽回治法首尾以養血為主血和則毒有所化漿有所成况飲食二便如常縱用血藥不得脾胃三日用四物湯三劑第四朝加阿膠一錢五分山甲一錢五分更進三服至七朝頭面漿足成片兩眼

不封照前服二劑另用山甲三錢黃耆五錢煎湯煮粥常服至九朝漿回發癢滿面搔去外用摻藥以固其表內照前方加參耆各一錢服六日而愈至秋八月忽患痢紅白相間晝夜數十次此從前脾胃久虛痘後餘毒未盡兼以夏秋暑熱所致肌肉雖甚瘦削未可用參服之太早恐成休息遂進清暑消積之劑調治半月痢止以大劑人參固之交冬八味丸加參朮常服脾氣遂旺

宣春令華遜愚孫八歲出痘三朝往視細密無縫肉

與痘集紅一片，眼遂合。此血熱傷風，火毒乘之。進炒黑荆芥、防風、蟬蛻等二劑，以疎其風。眼始開，四朝進紫草、玄參、山梔三劑，以涼其血。至五朝，肌肉如舊。血附痘根，雖密而爽。次用犀角、地黃、牛蒡、山甲，每日一服。週身痘起，不潰不癢，如期而愈。

華民誦子，週歲發痘，三朝往視，色白皮薄，週身俱密。如俗所云蛇皮蠶殼之類。賴內症安和，只愁無血成漿耳。用川芎、紅花、僵蠶、山甲煎湯。五更時調鷄頂血酒漿喂服。週時色漸紅，五朝起脹，再進前藥。六朝灌

漿，至七朝後，用保元湯常服，回脫始輟。

貢士胡文其孫女，週歲出痘，四朝面上僅得四大顆，週身俱無。此毒輕而天元不足，孤陽不生之兆。若無贈粒，不能結板。十朝內防其不測，卽得贈痘。痘後若不服參，尚防驚痢。用人參、養榮湯二劑，面部贈出五六粒，胸背足心，續得數粒。回後用倉廩湯，每日服參三分，兩月而愈。

封翁鄒澹巖子，十五歲，巳亥春月發痘，亦稀朗，但顆粒太粗，神思怯弱，六脉無神，而兩尺獨旺。按之不斂。

此天元不足必破陽太早不可易視人生稟賦之發洩有二一洩于痘一洩于天癸今脉體如此乃真水先涸繼以出痘也宜服大劑人參佐以滋陰之品輟讀靜養庶可重培天癸復滋化源耳奈主翁力不從心遷延五載癆瘵不起

孛廉秦襄 宙子七歲出痘躁熱大渴引飲口出穢氣目多淚見點紅而甚密此氣滯血熱毒盛之症用茅根自然汁煎升麻葛根湯二服內熱畧解前方加生地川芎更進二服四朝痘齊足而紅潤再製涼血攻

毒藥服至八朝而漿足週身痛楚殊甚自見點至今不思飲食雖因胃氣不清畢竟內毒未解回曆至十二朝左膝發疔內服金銀化毒膏外敷拔疔散而後愈

國博馬大林女孫三歲出痘週身痘粒分勻三朝頂俱集破此因寒天烟氣所觸非內毒也不可悞作集曆內用羌活湯二劑外用防風荆芥薰蒸被內痘遂鮮紅潤澤而愈

歸安令黃存是孫四歲出痘三朝往視密而不勻頂

平根顆不起，腹脹嘔逆，不大便，乃脾氣本弱，食積停滯，痘毒又重，故形色如此。先用消食藥，始大解，腹寬而痘亦稍稍潤澤。五朝用四物湯加山甲、牛蒡，連服二劑，漿行根起。至八朝回靨，更服保元湯而愈。

庠彥，虞道巖子，七歲出痘，稀朗不滿百粒，不避風寒，不節飲食，根顆未起而遂行漿，漿汁未滿而遂收靨。靨後身熱咳嗽，此餘毒未盡，兼冒風邪而然。先用清肺解熱之劑，熱勢稍減，但肉理未榮，治宜常服人參以實土，土厚則生金，金生而水旺，其虛熱不治而自

減

庠彥，秦漢仙子，冬天偶冒風寒，邪未解而痘隨出，週身幸俱勻淨，初用發散，繼用養血攻毒，七朝獨用黃耆、煑粥助漿。至九朝痘將回靨，遍身忽發白疔如錢樣，此從前肺邪未盡，復因圍爐過盛，風火相煽，觸發皮毛，故有此症。無傷本源，若鬱于內，上則咳嗽，下則發瀉，頗費調理，用蟬蛻、荆芥、防風、輕揚之劑，三四服而愈。

痘學真傳卷之四終

痘學真傳

卷之四

痘學真傳

卷之四

二十八

痘學真傳卷之四錄

而愈

發為敗費隨聖用靴馳隄花以風彈對之糜三四即  
 文手遊育此並無樹木感春鬱于肉土則刻潔不假  
 謝此發前初深未盡對因圍熱盛風火味歸歸發  
 管養漸出藥至止時鼓排回響並長急發白飛咬旋  
 良幸其已弟所用發錯繼用養益文毒十博醫用黃  
 華意秦藥命于冬天潛冒風寒深未報而鼓韻出也

痘學真傳卷之五目錄

錢仲陽 二則

陳文秀 三則

朱丹溪 三則

聞人氏

張子和

婁全善

蔡邦衛

汪機

朱惠民 十一則

錢春林

錢密菴

施銀臺

袁菊泉 二則

薛立齋 二則

萬密齋 七則

繆仲淳

痘學真傳

卷之五 目錄



近身真傳 卷之五

葆元一鑑 朱 英

馬銘鞠 施季泉

費建中 三則

痘學真傳卷之五

梁谿葉大椿子容甫選

門人華若虬松孺叅訂

古人醫案

錢仲陽睦親宅一大王病瘡疹始用一李醫又召錢氏錢留抱龍丸三服李以藥下之其疹稠密錢見大驚曰若非轉下則為逆病王言李已用藥下之錢曰瘡疹始出未有他證不可下也但當用平和藥類與乳食不受風冷可也如瘡疹三日不出或出不快即

痘學真傳 卷之五

微發之，微發不出，卽加藥，加藥不出，卽大發之。如大發不多，及脈平無證者，卽瘡本稀，不可更發也。有大熱者，當利小便，小熱者，當解毒，若出快，勿發，勿下，故止用抱龍丸治之。瘡痂若起，能食者，大黃丸下之，一二行卽止。今先下一日，瘡疹未能出盡，而稠密甚，則難治，此悞也。縱得安，其病有三：一者疥，二者癰，三者目赤，李不能治。經三日黑陷，復召錢氏，錢曰：幸不發寒，而病未困也。遂用百祥丸爲藥，以牛李膏爲助，各一服，三五日間，瘡復紅活，七日而愈。蓋黑者歸腎

也。腎旺勝脾，土不剋水，故脾虛寒，戰則難治。所用百祥丸者，以瀉膀胱之腑，腑若不實，臟自不盛也。何以不瀉腎，曰：腎主虛，不受瀉。若二服不效，卽加寒而死。又四大王宮五太尉，因墜鞦韆發驚搐，醫以發熱藥治之不愈。錢曰：本急驚，後生大熱，當先退其熱。以大黃丸、玉露散、惺惺丸，加以牛黃龍射解之，不愈。至三日，肌膚尚熱。錢曰：更二日不愈，必發斑瘡。蓋熱不能出也。他醫初用藥發散，發散入表，表熱而斑生。本初驚時，當用利驚藥下之，今發散，乃逆也。後二日果斑

出以必勝散治之七日愈

陳文秀漣水蕭宣使有孫女三歲痘疹始出洩瀉用木香散送下荳蔻丸一服瀉止至九日瘡不肥滿根窠不紅咬牙喘渴宣使謂熱毒在裏痘疹不靨欲喫清涼飲陳曰若與清涼飲則耗散真氣喘渴而死木香散加丁香肉桂各一錢連二服又用異攻散至十日其瘡蒼蠟色咬牙喘渴不寧異攻散加木香五錢當歸一錢連二服十七日愈

又淮東洪中書子十三歲痘瘡十一日誤食柑子一枚發熱癢渴陳曰柑子酸收斂津液故熱癢渴用人參麥冬散三服而愈

又淮東趙制翰子十五歲身壯熱硬氣一醫言傷食用感應丸一服瀉二次仍壯熱硬氣又一言傷寒用小柴胡湯加枳殼一服其身不熱口渴足冷陳曰始初身壯熱硬氣便是瘡症口渴足冷者感應丸瀉得裏虛也身不熱者小柴胡湯發得表虛也若加喘渴則脾肺虛而不救矣木香散加丁香肉桂各一錢二日喫五服第三日瘡出第七日成膿泡子微渴人參

白朮散一服，又木香散一服，第九日瘡疔色成痂，至十七日愈。

朱丹溪一男子十六歲，發熱而昏，耳無聞，目無見，兩手脈皆豁大而畧數，知其為勞傷矣。時里中多發痘，患者雖不知人，與藥則飲，與粥則啜，遂教以參耆當歸蒼朮陳皮大料濃與之，飲二十餘貼，痘始出，又二十貼則成膿泡，身無全膚，或曰病勞可畏，何不用陳氏全方治之。予曰：此但虛爾，無寒也，只守前方，又數十貼而安。後詢其病因，為四五日前恐有出痘之患。

遂極力採樵，連日出汗甚多，所以脈之豁大而知其虛也。

又從子六七歲時患痘瘡，發熱微渴，自利一小方，脈用木香散加丁香十粒，予切疑焉。視其出遲，因自利氣弱，察其所下，皆臭滯陳積，腸胃熱蒸也，恐非寒虛，急止之，已投一貼矣，繼以黃連解毒湯加白朮，與十貼以解丁香之熱，利止瘡亦出，其後肌膚常有微熱，而手足生癰癩，與涼劑調補踰月而安。

又一子七歲，痘將出未出之際，腹泄數行，其泄色黑。

不發根窠三日後癢塌，抵卽黑色，口渴，其根窠如水疥狀，不紅澤，不起發，食少，脈浮數有力，按之虛，用參耆歸朮陳皮肉荳蔻爲君，炙甘草訶子桂爲佐使，水煎熟，好酒須少咽下，癢立止，食立進，根窠紅澤而起，發二服全愈。

聞人氏一兒出痘，飲冷過多，腹痛面青，手足並冷，此寒邪傷脾而虛寒也，用附子理中湯一劑而痛止，用人參一兩薑一錢二劑而膿灌，又用人參煎湯代茶與飲，月餘而醫。

張子和蔡河有舟師，偶見敗蒲一束沿流而下，漸泊舟次，似聞啼聲，開視之，驚見一兒四五歲許，瘡疱周匝，密不容隙，兩目皎然，飢而索食，因以粥食之，師料蔡河流緩，必不遠，逆流而上，問至二十里外，舟師持兒鞋呼于市曰：有兒年狀如許，瘡疱死棄河中，今復活，忽酒邸中有人出而泣曰：是吾兒也，拜謝舟師抱歸，此兒本死，得水而生。

婁全善予族侄女，笄年出痘，灰白色，身熱喘嗽，渴，脈洪有力，與八物湯加連翹，桔梗，犀角，屑半夏，木通，紫

草乾葛石膏杏枳連芩前胡瓜蒌仁服之十貼後色紅活喘嗽減但熱尚未除遂於前方減葛杏胡枳連芩萸服三十餘貼而安安後髮皆落月餘方起因病退而脉虛極也

蔡邦衛淮安上舍仲繩祖女痘五日紅赤過度血入皮膚連根窠模糊而不散用八珍散加紫草木通服之而愈上舍翟見之子痘四日其症如之用四物湯二服而愈上舍李本達子痘七日症亦如之連服八珍散四物湯不效五苓散亦不效十二日而死其故

何哉蓋仲翟之子各在四五日間血氣方盛而未過一用前藥則血歸本泡所以得膿漿結痂而愈若李氏之子過經七日血氣已過再生再活之無及故症治雖同而死生自異也

汪機一女傷寒但腹痛甚日夜啼哭手足厥冷漸至危殆此時天災乃是痘症遂取生豬血急以腦麝和灌一服得睡須臾痘出而安否則天橫

朱惠民一兒痘九日尚空殼無漿根血乾紅壯熱口渴津液乾涸咸為氣虛以保元湯加麥冬芩桂而愈

甚余爲火盛水涸之義若專補氣反助其陽而陰愈虧矣經曰津液者由腎水而生也盛則能制諸經之火不足則火盛而水衰火毒既亢君相之火並起煎熬腎水銷鑠肺金金銷則水不生矣治法滋腎水爲主腎水既生津液盈足則諸火自退病機曰治諸熱者宜滋腎水以六味地黃湯加人參麥冬當歸枸杞兔絲子知母治之愈

又一雒邑倪姓子三歲患痘死殮城下三日偶過聞啼聲詢其家抱歸余謂毒火彌盛得土而解更以黃連解毒湯治之愈

又一兒痘出勻朗衆皆火下視之曰順不必治余從亮處視之見痘雖勻朗綻凸而色嬌嫩乃見痘也難治果斃

又一兒發熱遍身點如蚊咬咸爲蚊迹蚤斑不治視之非正痘也乃熱毒爲風寒所遏有此症與傷寒發斑者同以芫蘇散發汗見點而愈又一兒症如前點退卽出痘學者不可不辨

又一兒痘初出便爬抓作癢此風寒滯于皮膚而癢

抵之者，運動以散之也。升麻葛根湯服之，紙包炒熟，荆芥穗運之，應手而愈。

又一兒七歲，痘初報點于上唇右，及右太陽，身肢稠密，正額平塌，少神，額頰不見，四肢厥冷，人事昏憤，喘急，腹飽便閉。余謂風寒壅遏，毒火彌熾于內，氣血不能運行于經絡，故肢冷，痘不易透者，此寒包熱之症也。治宜疏散表邪為主，用升麻葛根湯加川芎、蟬殼、山查、穿山甲等服之。又加味獨勝散、桑螵攻之。六朝正面俱起，七朝空處補出，贈痘諸症悉平，調理而愈。

又丙子孟春五日，譚氏女痘已三日，皆曰磊落綻凸，勿藥有喜，居無何，乾焦紫黑，喘急而死。諸醫默無以應。余至細視，見兒身肢雖冷，心胸尚溫，六脉雖無，衝脉不絕，且痘根脚無恙，猶有生氣，卽色變而死，非關痘也。必初熱時為飲食所傷，不能運化，以致氣血凝泣不行，靜如死狀。用承氣湯以漸灌之，去黑糞二次，少間身肢溫熱，六脉漸起。又用補中益氣湯調理，紫為紅，乾焦為潤而愈。

又一兒報點粗肥，而有紅盤，間有細密隱隱，咸謂夾



疹痘，召余視，形色是痘，紅點是疹，但盤雖紅而歪斜，乃客胃風熱鬱于肌表，兼食辛物，風熱相搏，發為水痘夾疹，非正疹痘也。用葛根湯加防風荆芥連翹白芷二劑，水痘成疔，疹沒而愈。

又一兒痘未齊出，痢下赤白無度，此血熱毒盛，兼素有食積，以升麻葛根湯加山查麥芽蟬脫芎歸服之，稍愈，而目赤溺數，又犀角地黄湯治之，再補中益氣湯而愈。

又一兒痘四日吐血一二碗，痘陷淡白，煩躁譫妄，肢

冷身涼，睡臥不寧，余審其痘，原血熱毒壅，未盡出而清涼之，其毒乘寒凝泣，不能伸越，故上而吐衄也。今毒雖解而氣血虛脫，東垣曰血脫益氣，以保元湯加黑薑附子芎歸芍藥蟬脫粘米治之，痘復鼎峻，前症悉平而愈。

又一兒痘六朝勻朗，皆云頂陷而為氣不足，欲投保元之劑，余審其生長有序，光澤明淨，內症和平，乃不虛不實之症，若悞與藥餌，反傷胃氣，經曰諸病皆以胃氣為本，若胃氣有傷，無以滋養心肺而為倒靨者。

有矣。今不虛不實，但保其冲和，使脾氣流暢，則肺金藉母之助，易於灌漿成疔而脫痂矣。不宜服藥，主人從之，果愈。亦有內外和平安，以補托之劑，而加煩熱便秘，或目疾成癰腫者，有矣。

錢春林薛戒甫子五歲出痘，三四日，下紫血，日數滴，至八日不止，而瘡不起，脾氣虛寒，用木香散二劑，加丁香十一粒，人參五錢，一日服之，次日痘皆起，而有膿，由是血漸止，二十日而愈。

施銀臺一男子患痘，作痛發熱不止，其勢可畏，用消毒救苦湯治之，諸症頓退，時薛立齋先用仙方活命飲，痛全止，又用八珍湯加紫草三錢，四劑貫膿而靨，錢密庵一兒六歲患痘，第七日根窠赤痛，大便秘結，小便赤澀，煩躁飲冷，或用清涼解毒之劑未應，此熱毒內蘊，四順清涼飲一劑，并豬胆汁導下結糞而安，又用犀角地黃湯，其痘自靨。

袁菊泉昔舍人次子十三歲患痘，兩朝上樓失足，損傷頭額，致血淋漓，以爲痘中損傷，必不生，予往治，卽將參耆歸地連進四服，而痘遂出，灌身帶不寧，加茯

苓桂心外用棕灰敷之不週月而靨脫全美但痛甚者少加乳香若傷痕弗克收痂用白芨白歛象皮末摻之

又一兒冬天患痘痘經正順囊擲昂竦忽頭頂上惡癢難忍手搔難禁於破處銀簪挑之見細虫如絲有寸許用香油取盡花椒湯洗之痒卽止寒天有虫乃氣化使然也

薛立齋一兒數歲初發極熱父母不防出痘任兒手貼新漆床而臥致令寒氣侵入手臂面腹方廣俱有痘惟一臂麻木無痘點予以方治之後臂發痘比他處尤密臂痘一出諸痘俱起

又一兒十三歲眼睛多白或時面赤常患頸痛尺脉洪數先君謂稟腎氣虛用地黃丸料煎服而愈至十五歲出痘仍用地黃丸益氣湯更加倦怠乃以地黃丸大劑煎與恣飲又用八珍湯痘漸出如式恪服前藥至期歲二藥計十七餘觔先君每見嬰兒白睛多面色白或色赤令其預補脾腎以防出痘但信者少耳

萬密齋鄖陽御史撫治孫公女七歲已巳四月初七發熱面頰赤越二日口角見紅點如蚊跡不成顆粒腰腹痛昏睡譫語乾嘔皆逆症也然病在經絡可治止因中氣久虛不能驅毒外出乃用保元湯以補其中羌活防風荆芥柴胡以發其表木香山查以逐裡調辰砂末以解毒三日進三劑至十三日午時忽然昏暈目閉口噤神色俱變皆大哭全日當有冒汗來也汗出痘隨出謂之冒痘乃吉兆也須臾果得大汗而痘透足矣復川錢氏異攻散加耆芷調理而安

又余長媳李已酉冬十八歲出痘居經未行至成膿時忽下血塊甚多未逾日猝失聲不言但搖頭垂淚予思痘瘡變黑歸腎宜猝失聲今痘膿滿紅潤何以有是證經云婦人重身九月而啞者少陰之脉不榮於舌也手少陰者心也心主血諸瘡皆屬於心瘡毒之火內起於心故迫血妄行也舌者心之苗血去則不能上榮於舌故舌萎縮而不言也乃以人參麥冬歸身地黃服之良久遂出聲後以十全大補湯常服而愈

又蘄水縣董希周女十九歲辛丑十二月中旬出痘，至歲終不得收靨，精神甚昏，飲食俱廢。壬寅元旦往視，僵臥如死人，診其脉洪實調勻，此倒靨逆症，不可治。惟喜脉洪實調勻，棄證從脉治之，乃用升陽散火湯加黃耆當歸木香青皮連進三劑，初三日復出一層新痘，舊者盡乾。初五日出盡，周匝一身，病者漸甦，能言索食矣。依期起發養膿，至十三日而靨，後用十全大補湯而愈，但右目喪明。

又胡道松子四歲六月間病疹，先請醫用荆芥敗毒

散治三日，疹不出，煩躁轉甚，此劑皆發散非解毒，况天太熱，又無時令之藥，則陽愈勝陰愈虧，疹子所以不出也。余用東垣涼隔散，加玄參升麻一服，疹出三日始安。

繆仲淳，臧玉涵次子，年十六，因新婚兼飲食忽發痘，諸醫以爲不可治。施季泉至，已八日，漿清寒戰，咬牙譫語，神思恍惚，諸醫欲進保元湯，季泉不可，改用犀角地黃湯，得脫痂，後忽嘔吐，大便燥結，淹延一年，告急。仲淳、仲淳視其舌多裂文，乃當時陽明之熱未解。

故有是症，以石膏一兩，人參一兩，麥冬五錢，枇杷葉、橘紅、竹瀝、童便爲佐，一劑卽安，再進一劑，膈間如冷物，隔定，俱謂必斃。仲淳以參湯投服兩許，卽思粥食，晚得大便，風疾頓瘳。

葆元一鑑：海寧所周戶侯有二子，並痘，醫人以大者五歲痘甚稀爲萬全，小者一歲痘甚密爲難治，妄投藥物，予往視之，則大兒已六朝矣，口邊十餘粒浮白，無光，額上亦止十餘粒，灰伏無根，此脾氣素弱，心毒鉤蔽，慢投犀角、地黃湯也。予云：莫治，其小者止四朝。

痘稠密灰暗，頭多肥滿，幸毒滯肺經，未至大壞。予曰：可救，醫爲不然。及暮，大者喘急而亡，小者余得保全。又一人年二十已婚配，痘勢甚危，一醫強投參芪，似有漿而遂早靨，且變紫黑色而身熱不已。予按其脈，則腎水枯槁而水不能制火，心火燔灼而血不能榮肌，兼以參耆助氣而血反耗，血耗則助火而水愈涸，能無危乎？予用知母製度爲君，以滋腎水，加四物以養心血，佐以苓連、小柴胡，更加一二解毒之劑，一服而熱退，再服而色轉全愈。

又一婦患痘稠密而色帶胭脂勢甚危急予細察其標乃血熱氣虛但熱毒方熾驟難補氣先投以養血涼血解毒發毒之藥一服而痘起發時方五朝經忽大行痘卽漸伏予投以大補血之藥而兼之以解毒至八九朝始加人參保養元氣而愈

又一明醫治產婦痘至十餘朝痘猶隱伏謔語煩躁衆投溫補攻毒之藥而勢愈岌岌僉曰莫救明醫視之見其色紫帶青則知產後怒氣傷肝血脉凝滯毒火挾肝火而上冲心肺故謔妄煩躁痘隨以伏也合

用和血調氣之劑遂以當歸川芎爲君香附紅花爲臣麥冬酒連爲佐而防風木通甘桔爲使以酒水各半煎服一服而神定氣清再服而痘起紅活至十八朝漿足

朱巽潘忠女六歲見點兩日嘔紫血數升予大補脾胃而卽愈蓋唇舌滋潤內無毒也形色兩善外無毒也血去而神寧稟有餘也且潘兄素患血症此子乘父餘熱激動而血湧非毒也若誤涼血解毒則殞馬銘鞠蕃兒甫週發痘毒盛氣虛身熱甚驟不退涼

用地黃湯入金銀花兩許毒雖解而發泄痒不可當  
卽參湯入口亦腸鳴直下屎無穢氣第九朝殆甚夜  
半用酒炒白芍藥一兩紫河車半具人參二錢山藥  
二錢升麻二分柴胡三分炮薑二分肉桂三分煎濃  
膏令乳母徐灌之甫完酣睡睡醒索乳食腸不鳴泄  
遂止再進前方減芍藥五錢是日計進粥八甌週身  
漿六時皆足此方早已欲投因諸醫所阻故幾失治  
池季泉丁長儒子痘初熱卽泄日十數行見痘泄不  
止時鑿以脾胃藥止之愈甚施謂不治主人強之施

曰止泄不難以發藥中加黃連二錢黃芩一錢一劑  
泄止主人喜甚施曰非也毒火太熾故泄初泄時卽  
以解利藥乘熱導之或可望生今遲矣過四日卽欲  
解毒無及矣坐視七日而死

費建中余荆巴酉秋懷娠七月忽壯熱譫妄次日卽  
見點如芥子色似胭脂余未諳此道先君先以升麻  
葛根湯次以犀角地黃湯連進五劑熱解神清周身  
起脹而頂卽白卽以人參二錢加芎歸黃耆熟地白  
芷僵蠶目投二劑其如痘密無縫氣血不繼至八朝



色白皮薄寒戰不寧以參耆各一兩芩歸各五錢熟附二錢肉桂一錢熟地膏二盞傍晚投下戰卽稍定沉沉睡去至夜半甦醒索食次早又一劑通身漿足和暖不復戰矣前方去桂附參耆減半十朝腐爛作臭膿水淋漓繼用參歸代毒湯全愈

又驥村嚴五侯子甫過出痘稀朗紅潤但身熱如炮愁楚不堪稟粒不鬆此內有伏毒也若以稀疎紅潤而概目之則誤矣予卽以大黃六分石膏生地各錢半佐以荆芥丹皮山查蟬脫葛根青皮連投二劑大

便去三四次熱與愁楚稍緩又投二劑熱和神定稟囊亦鬆宛然順痘此藥力所致非天然也有曰此痘本順若再用此劑必誤不知重劑妄投一瀉必變何此症反得鬆透而神定也主人不悞遂弗藥至八朝復熾熱徹夜叫哭而至失聲頭面擦破身上紫滯復邀余視尚喜破傷而未乾焦色滯而囊未隱仍用前方倍加大黃生地黃連減葛根臨服和入大桑蚕日以二劑以化毒丹調入油胭脂爲膏藥以貼破處次日痒止色轉紅活叫哭頓愈又二劑漿足飽滿頭面

復貫膿漿四溢壯熱亦和十二朝用金銀花地丁生  
地牛旁荆芥木通甘草連翹山查調治收功痘後乳  
食倍進大便較痘前反實神色甚旺夫以一歲芽兒  
痘且似順一有伏毒必得如此而後愈餘可知矣

又雉城臧佺葵子八歲羸瘦僅存皮骨庚寅春出痘  
夫痘賴氣血終始而氣血之根源於脾胃脾主肌肉  
如此瘦削當以保脾爲先而孰知身熱如炮目紅如  
火躁渴不已溺血如膏痘色焦紅黯滯此梟毒與烈  
火內攻若不通變七日期當內潰矣余以大黃四錢

石膏七錢生地兩許佐以桃仁赤芍荆芥地丁牛旁  
木通臨服和猪尾膏一盞日服二劑六朝加黃連自  
放點以至成痂始終用此方計大黃觔餘生地石膏  
二十餘兩猪尾血十餘碗而始收功痘後精神煥發  
飲食大進而肌肉生長是法以瀉爲補

王節齋

劉宗厚

虞天民

劉點點

張從道

王汝言

鄭思卿

張煥

倪有美

會食大燕而肌肉坐其甚苦以爲益蘇  
 二十餘兩淋身血十餘滴而欲外此甚  
 效無以至如神效淋用此大情大黃  
 木虱調那味許身膏一蓋日服二  
 不膏小益主此兩情或以淋二表其  
 陳茶此下半安

痘學真傳卷之六目錄

秦扁鵲 扁鵲倉公 張仲景 景青 華佗

錢仲陽 則二 龐安常 陳文秀 劉河間

李東垣 人 張潔古 王海藏 楊仁齋

羅謙甫 朱丹溪 則二 汪省之 魏桂巖

呂滄州 王節齋 劉宗厚 虞天民

薛鎧 劉提點 則二 張從道 王汝言 則二

聞人氏 則二 鄭惠卿 張煥 倪有美

胡石壁 湯民望 沈堯中 焦鯤濱

周野仙

戴指南

虞世初

張炳

紹定論

吳氏

張與之

王潔古

王世榮

閻孝忠

李還丹

華封子

彭氏

活人書

蕭氏

岐黃書

石雲麓

直氏

黃石峯

李少陽

華峯道人

趙繼宗

柳真虛

先哲

玉函

謝南屏

姚養拙

懶床子

鄒憑虛

馮彙粹

玉髓神書

翁仲仁

董汲

巢氏

茅先生

石壁經

指迷論

保赤全書

惡症歌

幼科類粹

理辨

吳子揚

秘傳痘症

張子枏

田氏

鄭端友

高正宗

張季明

吳居敬

婁全善

聖惠論

唐相

痘疹秘要

薛立齋

遺慈錄

蔡邦衛

袁菊泉

翟北海

素真

春沂

黃慎常

吳東園

萬菊軒

萬密齋

朱惠民

石柳樊

繆小舟

王守泰

施季泉

李戒菴

費達中

錢儀賓

痘學真傳

卷之六

呂承山

負万芝

紫帆

杏苑公則二

痘學真傳卷之六

梁谿葉大椿子容甫纂

門人華若虬松孺叅訂

古人哲言

扁鵲秦越曰病有六不治，驕恣不論於理，一不治也，輕身重財，二不治也，衣食不能適，三不治也，陰陽臟氣不定，四不治也，形羸不能服藥，五不治也，信巫不信醫，六不治也。六者有一於此，病皆難治。

扁鵲倉公並曰先和節陰陽，調治營衛，方利臟腑，即

熱氣漸解，絕乳嬰孩，痘疹未出前，先以油劑服之，行解四肢之熱，已出便不可用，只宜平和藥，療肝臟，解散熱，使毒不致攻肝衝眼，目生障翳，時醫於痘未出前，悞認他疾，或餌燥藥涼藥，無不夭殤。

仲景張機曰：兒初生進地黃汁下黑糞，不患瘡疹，百日內遇天氣和暖，無惡風，時抱日中，使皮膚緊密，常耐風日，若只在房室溫煖處，忽見風日，使寒邪伏積臟腑，遇天氣不調，多作瘡疹，方得寒邪散，毒氣消也。兒患瘡時，父母行房觸犯，使毒不出，入心悶亂而灰。

已出，卽黑爛，痛如刀割，縱得安和，癥色經年漆黑，瘡未生，燒赤木猪甲，辟惡氣，勿令外人入房，犯此灰者，不可勝數。

華佗逐朝圖斷云：氣尊血分者生，毒參陽位者死。

日陰陽得道而形圓，氣血成功而毒化。二形圓而

體天象，色潤而現精華。三四血氣並隆而制毒，盈虧

雙治見神功。五六氣血勝淫邪之毒，乾坤順造化之

情。七八血漸收而毒溢，氣已滿而神凝。八九血賴天

和而立命，氣因毒化而成功。九日邪正明君臣道濟

真元固氣血成功十一日君道成而臣力致神化全而

毒勢平十三日脫盡客感淫邪之火補全造化大和之

功十四日

仲陽錢氏曰痘疹一發便出盡者必重也瘡夾疹者

半輕半重也出稽者輕裏外微紅者輕外黑裏赤者

微重也外白裏黑者太重也瘡端裏黑點如針孔者

勢劇也青乾黑陷昏睡汗出不止煩躁熱渴腹脹啼

喘大小便不通者困也

又曰乳母當慎口不可令饑及受風冷必歸腎而變

黑難治也大熱當利小便小熱宜解毒若黑紫乾陷

者百祥丸下之若五七日痂不焦是內熱蒸於皮中

宜宣風散生犀汁解之使熱不生必着痂矣

安常龐氏曰若身疼壯熱頭痛不與小汗何由表散

大腸久閉毒攻腰脇或心腹脹滿不與微利何由釋

去故當消息汗下然寒藥固不當用溫藥恐增熱毒

若熱勢太甚脉候洪數則涼性之藥不阻表裏氣若

寒氣阻碍脉候浮遲則溫性之藥不阻表裏氣凡覺

冬溫至春夏必發斑痘

文秀陳氏曰小兒痘疹已出未出之間有類傷寒之狀忽然增寒身熱身體疼痛大便黃色此乃正病也若無他疾不宜服藥凡瘡疹先分表裏虛實若虛實不分則無所治小兒神氣軟弱瘡疹自十三日以內當忌外人恐有卒暴風寒穢惡之氣所觸

河間劉守真曰小兒痘疹已發有瘡有聲者乃形病氣不病也無瘡無聲者乃氣病形不病也有瘡而無聲者是形氣俱病也

李梴東垣氏曰諸痘疹皆從於膀胱壬水其瘍後聚肉理歸於陽明故始顯之證皆足太陽壬膀胱尅丙小腸其始出見於面終歸於陽明肉理熱化爲膿者也二火熾甚反勝寒水遍身俱出實從足太陽傳變中來也當外發寒邪使令消散內瀉二火不令交攻其中令濕氣上歸復其本位

潔古張元素曰一發便密如針頭形勢重者合輕其表而涼其內若已發密重微喘飲水者有熱症則祛風藥微利之若出不快便清自調知其不在表不在裏當微發散若青乾黑陷身不大熱大小便澁則是熱



症在內當下之若身表大熱表症未罷不可下若痘已出見小熱小便不利當利之已發後餘毒未散復有身熱瘡腫之類宜用解毒丸已出未出若聲不出者當清其肺

海藏王好古曰前人言首尾俱不可下者何也蓋首不可下者爲癍未顯於表下則邪氣不得伸越此脉證有表而無裏故首禁下也尾不可下者爲癍毒已顯於外內無根蒂大便不實無一切裏證下則癍氣逆陷故尾禁下也若有一切裏證及大便結者安得

不下又如所言溫煖蓋覆不令通風以其癍未出或身表涼而惡寒或天氣寒而惡冷若炎天大熱何必用覆而使之煩悶乎後人執首尾不可下溫煖不通風不知天令之所加人身之所感誤人多矣

仁齋楊士瀛曰諸熱不可驟去宜輕解之蓋痘瘡無熱則不能起發痘瘡發于肌肉陽明胃氣主之脾土一溫胃氣隨暢決無陷伏之患

謙甫羅天益曰世俗相傳之害有三首尾不可下也自首至尾果有當下之證通利之可也必溫煖覆

蓋不合通風氣二也。若發於炎暑時，體熱躁，不使通風氣，變生他證也。痘初生，卽以驢乳、紫草、葡萄、胡荽之類，併發之三也。如其瘡日生而日長，循循有度，又疊疊以雜藥諸物發之，是害小兒也。

丹溪朱震亨曰：調護之法，解毒和中安表而已。虛者益之，實者損之，冷者溫之，熱者平之，是爲權度。亦如庖人籠蒸之法，但欲其鬆耳。蓋毒發于表，如苟妄汗，則營衛一虛，重令開泄，轉增瘡爛。白是風邪乘間變證有之，表根於裏，如苟妄下，則內氣一虛，毒不能出。

而反熱矣。由是土不勝水，變黑歸腎，身體振寒，耳聾反熱，眼合腹脹，其瘡黑陷，十無一生。

又曰：癢塌者，於形色脉上分虛實。實則脉有力氣壯，虛則脉無力氣弱。虛痒以實表之劑加涼血藥，實痒如大便不通者，以大黃寒冷之藥少與之，下其結糞。省之汪機曰：前人謂小兒虛實等症，不可拘以日數。有熱三日而成癍者，有熱六七日而生癍者，有至十餘日而生癍者，但足上有癍爲出齊，出齊之後，長成血泡，血泡七日當結膿窠。苟或血泡之中，尙有紅癍。

點相夾而生則又不可拘以日數待其皆作血泡爲齊血泡七日結膿窠此乃營衛調和內外無諸感冒方能如期且如血泡正作之際遇寒暑燥濕風不節氣候異宜因而遲速失序亦不可拘以日數總必以血泡皆成爲齊

桂岩魏直曰予嘗論治痘以氣血爲本猶孟子論治國以仁義爲要故氣血者治痘之心鑑仁義者治國之心鑑也蓋氣居中君道也血附外臣道也氣正道尊而能圓能領能拘能含能光澤能逐能黃能解血

血正道順而能附能載能制能斂能紅活此氣血各得其職也氣失其政則爲熱爲陷爲痒爲顛爲塌爲吐爲瀉爲狂煩爲白爲灰色血失其政則爲寒爲臃爲滯爲讖語爲紫爲黑爲褐此氣血各失其職矣  
滄州呂復曰凡乳嬰之與童艸當兩途以治之嬰孩當兼治乳母俾其氣血清和飲食有節投以調氣通營之劑以釀其乳使兒飲之則其瘡必肥滿光澤無陷伏之憂童艸必當切其脉審其表裏虛實以汗下之苟不實不虛則但保其冲和使脾氣流暢則肺經

藉母之助，易於灌膿，速于成痂，無剗陷之患，或至壯盛而膚腠厚密，須預發汗，或大便結與洩澁者，尤宜下之，利之，庶無患也。

節齋王氏曰：若痘瘡虛怯，淡白色，痒塌，此屬虛寒，宜用陳文中方。若發熱壯盛，齊湧，紅紫色，躁痒，此屬熱毒，急宜涼血解毒。自陳文中方盛行，後屬虛寒者，率得生，屬熱毒者，悉不救。痘是胎毒，古人治法，只解毒，然氣血虛，則毒不能送出，故文中之法，亦千載妙訣。但溫補之法，既行，而解毒之旨，遂隱，不知痘是胎毒。

自內出外，一二三日方出齊，毒氣尙在內，出至六日，則當盡發于表，七八九日成膿而結痂矣。若毒氣盛，不能盡出，過六日，毒反內入臟腑，故須於六日以前，毒氣該出之時，急服涼血解毒之藥，以驅出之。六日已後，醫無及矣。

劉宗厚曰：癰疹多屬於脾，隱隱在皮膚之間，故言癰疹也。發則多痒，或麻木，是兼痰濕之殊也。色紅者，兼火化也。此論癰疹

天民虞搏曰：陳氏木香散與攻散二方，乃素問從治

之法又謂之熱因熱用者也蓋痘瘡熱毒佛鬱於內而不得起發故用丁附木香桂心豆蔻等辛散劫鬱之劑一二服劫而開之使向之鬱於內者盡因藥氣而發越乎外故痘子陷伏灰白色者皆翕然紅活凸綻而內無遺邪矣如一二服後劫不起者勿再多與多則反助其毒轉增黑爛咽閉聲沉而死

薛鎧曰按痘疹大要與癰疽治法無異宜辨表裏虛實寒熱蓋表虛而用發表之劑輕則斑爛重則不能起發而死裏實而用托裏之劑輕則患痘毒重則喘

急腹脹而死裏虛而用疎導之劑輕則難以貫膿結痂重則不能結靨落靨而死治者可不慎哉若粵赤發熱疼痛作渴飲冷便秘此形氣病氣俱實也雖在嚴冬必用四順清涼飲以救其陰若黑陷不食嘔吐泄瀉寒戰咬牙手足逆冷此脾土虛敗寒水所侮也雖在盛暑必用六君姜附或十二味異攻散以回其陽此內經捨時從症之法也若起發遲不紅活不作膿不結痂或發熱作渴飲食少思此脾胃虛弱也用參芪四聖散以補之若雖起而色白雖貫膿而不滿

雖結痂而不落，或痒塌作渴飲湯，腹痛不食，嘔吐泄瀉，此脾胃虛寒也。用十一味木香散以溫之。其在四五日之間死者，毒氣盛，真氣虛而不能起發也。六七日之間死者，元氣虛而不能貫膿也。旬日之外死者，邪氣去，脾胃敗而元氣內脫也。治者但能決其死，而不知其死必本於血氣虧損，苟能逆推其因而豫爲調補，豈斷無生理哉。蓋起發貫膿結痂三者皆賴脾胃榮養，不可妄投剋伐之劑，以致其夭枉也。

劉提點曰：痘疹最要大小腸分曉，所以錢氏四聖散

用木通枳殼極妙，若大小腸自流利，則不必苦澀。

又曰：瘡疹發熱，大便欲潤，若三二日不行，宜急利之。恐腸胃不通，營衛不行，瘡出轉密也。惟瘡起發之後，大便卻宜堅實，如能食而大便常行者，不須忌之。若過四五日不行，則熱盛生濕，其瘡卽難靨，亦宜利之。設使大小便俱不通，則邪毒內畜，三焦阻絕。經曰：一息不運，則機緘窮，故大小便不通者死。

從道張氏曰：痘瘡氣勻卽出快，瘡出之時常宜和暖。如春三月發生之氣，則氣血和暢，自然其出快，其發

透其靨齊若偏于太熱則壯火食氣其氣反虛而不能行偏於太寒則氣凝滯而不得行

汝言王氏曰痘瘡多者是毒氣多便先宜解毒然多則恐血氣周貫不足故隨宜兼補以助成膿血

又曰凡治痘瘡善攻不如善守表裏無邪不須妄治有等貪利之人不分虛實妄投湯丸貪天功以爲己有虛虛實實致生變異悞人性命

聞人氏曰本得桂則枯雌黃遇胡粉則黑柑得脯則壞物之相畏如此痘瘡之畏穢惡雜氣其理亦然

又曰瘡有二證一則氣血不足其痒爲虛四君子湯一則不能食淡火生致痒蟬脫一物湯

鄭惠卿曰痘欲出必先發熱輕者三日而出或五日而出遠不過七日而已如不渴不瀉大便稠黃熱退身涼而出者別無他症吉之兆也不須服藥若發熱至二日而出身靜熱稍退者次之否則險之兆也若發熱至一日而就出或見熱而就出致熱極而不退者大凶之兆也狂言譫語如見鬼神睡臥身跳唇紅口腫皆爲凶兆

張氏煥曰痘子氣勻則出快蓋血隨氣行氣逆則血滯矣

有美倪氏曰余家秘傳古今未載痘出腦後與足相應齊起齊痂人多未知日久腦後不痂不靨即恐為病耳

石壁胡氏曰小兒難任非常之熱亦不可任非常之冷如寒熱藥太過輕則吐利腹脹重則陷伏倒靨宜

涼適中可也

或發於遍身狀如蚊嘴色赤者十生一死色黑者十

死一生此與痲症不同痲乃空缺處如雲霞之狀痲

則遍身無空處但有疎密之不同

此論 痲疹

意中沈氏曰汗下之法古人深戒蓋恐毒發于表妄

汗則成痲爛妄下則成陷伏耳若痘症之初有表熱

非微汗何出而散有裏熱非微利何出而解以至靨

後實熱又不可不下但以古人慎重之意用之可也

鯢嶼焦氏曰痘科中古方甚多然症各不同變端百

出豈可對本而施要必驗症經歷方可用藥



野仙周氏曰房中一粒石中黃疑是濃漿澄聚般豈知鴟鳥棲庭木誤作梧桐集鳳凰言痘漿有真假也指南戴氏曰痘至十三四日則靨老而落矣然猶有老而不落之患名曰漆面刺肉身體發熱眼紅面赤心煩口渴者有矣面虛目腫惡心者有矣靨老而後從靨肉爛者有矣身熱不退口生疳蝕舌生白胎者有矣或四肢發毒或發疔腫者有矣眼生白障或眼露白睛者有矣痘雖平復禍變百出烏得以靨老而不知防乎靨老脫卸光潔治痘若愈矣然猶未也靨

落而疤白者有矣有經月之餘而猶發寒熱者矣或主流淫潰爛或生疥癩或發渴狂煩或喘渴不寧痲雖脫落餘症仍在死生未可保也治痘者又可以痲落為平安哉

世初虞氏曰憎寒困倦或發寒戰致痘子縮伏用陳文中異攻散等藥治之

張炳曰痘後毒氣攻眼以四物加祛風消翳等藥定論紹氏曰病有似是而非若同而異者如肢體厥冷而腹痛者此毒氣在裏也若不審諦必作虛冷治

之反與熱藥為害良深如冷極者必大便自利倦臥惡寒今身熱肢冷腹痛不通乃熱在裏熱甚則發厥仲景所謂熱深厥亦深也

吳氏曰痘色初見深紅失於解散至於乾枯黑陷危殆極矣治法當以涼血退熱看其微甚或利小便或用解散頂雖平陷不可專以氣血例之如專用參耆補劑則氣愈甚而血愈乾矣

巽之張氏曰治痘要法吐瀉少食為裏虛陷伏倒靨灰白為表虛一音單見為裏虛全用真收散補

之甚至姜附靈砂亦可用若止裏虛滅官桂若止表虛滅肉豆蔻若能食便閉而陷伏倒靨者為裏實當用錢氏及丹溪下法裏實而補則結癰毒紅活綻凸為表實表實而用補藥則潰爛不結痂矣

潔古王氏曰癩疹之病為症各異瘡發焮腫于外屬少陽相火也謂之癩小紅隱現皮膚中不出者屬少陰君火也謂之疹癩疹若吐瀉者不可妄治而多吉謂邪氣上下皆出也

此論癩疹

世榮王氏曰痘瘡不治症有七一戛齒痘黑陷喉中

涎喘因先受冷風血氣虛弱卽變此症二憎寒困倦  
痘子縮住或倉作坑內無膿血或黑色泡或瘡跡乍  
黑色四痘癰腫痘毒變疔口臭齲爛牙落五聲啞  
氣噎或咽藥腹中鳴六痘初出而半在皮膚帶紫黑  
色不出者七誤于踈轉氣啞者凡出前後心密及手  
足心密者皆不可治  
孝忠闔氏曰小兒壯熱昏睡傷風傷熱瘡疹傷食皆  
出痘似未能辨認間服升麻葛根湯惺惺散湯甚驗  
蓋此數藥通用之不至悞也惟傷食則大便酸臭不

化畏食或吐宜以藥下之

還丹李氏曰人有七情而欲之所動卽火之使然也  
慾無火不動而慾動情勝是卽淫火也淫火之液雖  
膾炙于口而豈能深探其奧者乎要知痘乃陽毒也  
故惡烈而莫禦至母胎之毒不過瘡疥疥癩而豈種  
于痘也哉

華封子曰痘者頭也痘毒之標峻欲先達諸頭額以  
諸陽之會于此也

彭氏曰痘疹護眼多用胭脂據亢醫云不如錢氏黃

栢膏最好諸家護眼法無出此方也

活人書云瘡疹與傷寒相類頭痛身熱足冷脉數疑似之間只與升麻湯解之瘡子已發未發皆可服但不可踈轉傷寒表邪固不可下瘡疹發熱在表尤不可轉世人不學乃云初覺以藥利之宣其毒也誤矣蕭氏曰痘初出鼠粘子爲末水調敷顙門遂不害眼岐黃書云五穀不遇熱不結痘疹不遇熱不徹但熱太過者真元燦不及者陽明劇故痘疹之呈見全賴于熱之深淺何如耳

雲麓石氏曰痘者投也投諸時而感發者也

直氏曰絲瓜發瘡疹最妙用枯絲瓜連皮燒灰存性百沸湯調下

石峯黃氏曰熱三四日而見點者曰正候血氣交會留毒在肌表之間邪出不相抗搏熱退身冷痘見紅點立成窠穴順之兆也熱六七日而見點者曰愆期氣血凝滯梟毒煩蒸凶之故也熱九日而見點者曰逐盧梟毒壅盛五內沉鬱大凶兆也

少陽李氏曰包血成員者氣之形也氣能拘血而制

毒則其痘窠必圓尖周淨附氣成暈者血之形也血能附氣而制毒則其痘窠必勻朗紅活氣虛則頂陷氣散則塌陷血虛則暈必枯血離則根必散此一定之理

華峯道人曰好痘如塔層層壘剝低痘如塌空空蹉蹉好痘光艷珠頭桃面險症坑陷潰囊深爛

繼宗趙氏曰痘瘡腹脹用紫草枳實湯或熱毒或傷冷者須兼治之

真虛柳氏曰血不滋灌痘癢難制

先哲云揚湯止沸莫若灶裏抽薪去焦刷紫要在清火涼血

玉函云純玉自無瑕瑕者非純玉上痘自無疵疵者痘犯剝七日要離離速解陽明毒

南屏謝氏曰提引元氣暫止臬癢可用水通升麻湯養拙姚氏曰痘疹解黑于內生地飲挽黑于外楓子湯此急則治標也

懶床子曰氣虛而不能拘血血行氣分血味本鹹醃漬皮肉抓破血流瀕瀕作癢氣愈虛而愈癢也

憑虛鄒氏曰痘屬後十四五日忽然聲啞者多由風邪入於肺絡而梟炎寒實若重投金石之藥反沉匿心竅閉錮神舍矣

馮氏彙粹云治法先定歲氣次察色脉以審病勢如果天令嚴凝形體虛痿六脉微弱或大病未愈或初起吐瀉交作當從虛而治宜行溫補使正氣勝而邪氣退也如果天時暄熱形體壯盛六脉洪數飲食如常大小便閉當從實而治宜清涼解毒使邪氣不致留滯以爲正氣之賊也

玉髓神書云大抵痘之吉凶審氣血顏色而已氣血潤活顏色明亮症雖危而可生氣血枯燥者顏色晦暗者痘雖稀而終死

仲仁翁氏曰小兒痘疹的係氣虛則宜補氣氣血易寒又宜溫之溫補之中酌量輕重處治

董氏汲曰小兒癍疹不惟脉理難辯治療比他病尤重况兒腑臟嬌嫩易爲傷動始覺證與傷寒陰癍相近未出之時或疑傷風卽以麻黃等發汗使表虛裏實或疑陰癍用溫驚藥則熱勢愈盛直至證候已定

始欲正治所失多矣大率俗醫癩疹欲出若悞用熱藥發之使胃熱極已出者變黑而陷矣尚謂出不快復用熱藥薰蒸則出愈難熱症轉生大小便不通更以巴豆取積藥下之使臟腑內虛熱又不除邪氣益深變為喘滿便血或為癩瘡體烈痛哉

巢氏曰傷寒熱毒氣盛多發癩瘡或白或赤發於皮膚頭作癩漿戴白膿者毒輕紫黑色根隱肉裏七竅俱有者毒重狀如發痘此論水痘

茅先生曰麻痘各有說痘候早晨渾身微熱午後大

熱眼白黃兩脇下吸吸動勢甚如驚風遍身大熱手足逆冷病屬臟治用獨勝散發痘不得用瀉藥麻候渾身熱午後大熱眼不白不黃微赤手足冷吐逆此屬腑治亦依痘候

石壁經云小兒瘡子候偏多欬嗽涎潮日久疴發熱發寒如怕物看燈停目眼光多喉中自響如駒駘吐後常添氣不和夢裏發來如急搐唇紅脈赤脈交多渴水心煩多躁熱耳冷足冷髮溫和舌上有瘡如粟子定知三日熱來多此病變成麻子候只須平藥病

消磨

此論  
痧疹

指迷論云瘡疹初出往往以葫荑酒葡萄酒及諸溫熱藥發之使快或隱皮膚以火煨人齒調服又云始終勿投涼藥恐胃冷致瘡不發余見執此論者常用溫熱致病人耳目口鼻或咽喉中閉塞大便堅秘小便皆血而死

沈堯中又云飲食最宜調和不可使之太饑亦不可使之太飽如或好食何物有不宜者亦少與之以順其意不可禁固使之忿怒反添火邪但不可縱致

惡症不治歌云初出頂陷連肉紅過至九日一場空又加紅點帶紫色癰症死在六日中發斑黑者在朝必癰青頃刻去匆匆無膿癢塌期一日不治腰疼及高胸痘根麻密如囚困舌捲囊縮命當終紫泡刺出黑血死飲食挫喉症亦凶難療面腫痘不腫青黑色陷痘無腫二便滑利下腸垢更有吐瀉出蛔蟲頭溫足冷渴飲水痘先驚後藥無功氣促泄瀉吐不止目閉無魂毒已攻聲啞或因叫與哭痘色不好也須終有種氣急亦不治如灌膿滿是傷風毒滿咽喉嗽失



聲、咬牙時復戰無停、身溫腹脹多痰喘、煩躁無寧、命  
必頃、難治痘瘡一片白、不思飲食困沉沉、賊痘灌膿  
人不識、誰知毒自內攻心、灰白痘中疔、決有、毒藏筋  
骨去幽冥、此症不勞虛用藥、醫家詳察、要分明、  
幼科類粹云、痘色正者不必服藥、看、雜症宜去之、  
理辨云、痘有順逆險三症、順症不治自愈、逆症治亦  
無效、惟險症治之則吉、不治則凶、  
吳氏子楊曰、預看出痘、如心窠有紅色、或身熱、衆手  
指皆熱、惟中指獨冷、男左女右驗之、

秘傳痘症云、發熱之初、未見紅點、急須表汗發散、然  
後調理、要在身熱盡退爲佳、

張子和曰、人中黃、臘月最佳、通風處以火煨成煤、水  
調下三五錢、陷者自出、丹溪云、子和黑陷甚者、用燒  
人屎、卽此方也、

田氏曰、防風蒼朮湯治小兒邪熱在表、惡風惡寒、瘡  
疹未出、可解表以發之、  
鄭端友曰、首尾症平、下之者誤、首尾實熱、不下者誤、  
首尾虛寒、不補者誤、

正宗高氏曰：痘瘡日數，只六七日內分生死，最忌錙銖湯藥，緩服悞事。  
 李明張氏曰：兩腮紅，足脛熱，渴不止，氣急脈洪，皆三陽證也，不可服熱藥，腹脹嘔吐，糞青面白，足冷脈沉，皆三陰證也，不可服涼藥。

吳氏居敬曰：嘔吐有素傷積食，因隨毒熱而上逆者，宜四苓散，發熱初出時見者無害，痘盛宜急治。  
 婁全善曰：欲發痘瘡之膿，當服六一湯，痘無漿者，用秘傳大透肌散。

聖惠論云：疹痘瘡，是熱積臟腑，蒸鬱散於四肢，兒皮肉嫩弱，多有此疾。乳孩少與湯藥，過劑有損，蓋飲熱乳而成，脯熱生細疹，臟熱生毒瘡，湯藥可療乳母，絕乳者由熱積伏於脾肺間，不早治療，攻於營衛之中，漸透皮表，故成疹痘，而出膿水也。嬰兒陽盛陰微，臟腑氣逆，大小便秘，即便踈利，其患自輕。  
 唐氏相曰：凡驚駭則兒必震懼而傷其心，悍擊則兒必傾跌而傷其腎，罵詈則兒必忿悶而傷其肝，解脫則兒必感邪而傷其肺，多餵則兒必作瀉而傷其脾。

此論水痘

五臟受傷則氣血已亂，倘值出痘，必多變異。

痘疹秘要云：看痘專以形色。形貴尖圓起發，瘡皮厚硬，故皮薄平塌者凶，色貴光澤明潤，根窠紅活，故慘暗昏黑者危。若明潤而根窠紅活，雖平塌可治；如根不紅活，雖起發亦凶，可見色尤重於形也。

立齋薛氏曰：瘡疹收靨之後，愈宜調理，有不避風寒，不節飲食，原無病者，皆因胃實體旺，若病初痊，臟腑初安，脾胃血氣尚弱，動止飲食過度，復病喘咳腹脹，必凶。况肌肉嬌嫩，易得感寒，頭痛身熱，則難治矣。

慈谿趙敬齋曰：痘灰白不發者，作寒看；紅凸齊綻者，作熱看。其要在解毒和氣活血。溫中安表而已。寒者溫之，熱者減之，減不可多，蓋痘瘡非熱不能發也。宜以溫和之劑扶而濟之。

邦衛蔡維藩曰：若灰白，若紅赤，若紫黑，平頂陷頂，紫泡水泡，攢蹴一處，又如癰瘡，如黑線相牽，必有痘疔相雜也。

又曰：虛脫之疾有二，或發散早而血氣耗散，或發舉早而膿血枯竭。治者當以生血養血為主。

菊泉袁氏曰按孫氏揭禱杌痘以垂世而註解已詳  
迨黃石峯盡註明白云痘澄膿結痂自頭抵足屬已  
脫矣又身發火熱舊屬盆處重出一番痘踈囊聚膿  
痛愈加甚服藥調護庶免夭亡倘飲食不節風寒不  
避邪氣感迫囊破潰爛肚腹漸脹陰陽不分死在旦  
夕矣若起於頭面者須防漏井湧泉之患起於背腹  
者應慮蜂螫沉石之患起於手足者不免有瑩筆之  
羅起於陽球者預宜防脫囊之害

北海翟良曰痘之爲害皆毒之餘燄也毒之爲害皆  
因小兒之氣血不能收斂其毒盡附痘窠中解化而  
餘燄散布於經絡或遊移於肌膚而爲害也當相其  
機以理之

朱巽曰小兒脉不足憑當用舌作綱領如內外無症  
舌必潔淨內火一起白胎見矣火甚則生黃胎火太  
甚胎必老黃色胎黑生刺勢劇也使無火而虛舌必  
淡白虛甚兼寒淡白而生滑涎

又曰余痘學傳華麓丁氏華麓得之雲杏雲杏得之  
杏庄杏庄得之邵公邵公化人也古云道由心悟法

假師傳師猶且不得矧無師乎

吳東園曰根窠者血之暈膿者血之腐故六日前無根窠則不灌膿六日後無膿色則難收靨

春沂曰惡寒無汗頭痛脊強此傷寒之所有痘症之所無兩眼含淚鼻氣出粗睡中微微驚耳紋現此痘症之所有而傷寒之所無

黃慎常曰舌不胎者不清胎不退者不補此爲見症施治然必退而後補胎而後清則又膠柱之見矣菊軒萬筐曰痘瘡不怕稠密只要能食無不痊者

密齋萬全曰痘疹之法其要在分氣血虛實及發表和中解毒三治而已  
惠民朱氏曰看法既精又假治法之妙順痘不必治治則反傷其正逆痘不可治治則無益而反招咎惟險痘治則吉不治則凶然反險爲順卽止無過此皆在治者之權衡也蓋當治不治不當治而治之本實而反補之本虛而反瀉之未有不貽後悔者也是以痘疹出之始若兼傷風寒而發者解散爲主若兼傷食而發者消化爲主若兼驚恐而發者利驚爲主有

正氣虛不能逐邪外出者，補益而助升發為主。若毒壅盛而不易透者，發解為主。有始末兩實者，前後清解為主。始末兩虛者，前後溫補為主。有似實而虛者，補益為主。似虛而實者，解毒為主。有虛證變實者，治從實例。實證變虛者，治從虛例。有先天之氣足而後天之氣不足者，補中氣為主。先天之氣不足而後天之氣足者，補元氣為主。以上諸條，皆是反險為順。丘柳樊曰：痲無脈法，可以脈知。發熱之初，未有形迹之始，診其相火之發，為甚不甚，陽明之毒為盛不盛。

元氣之主為固不固，亦可以為醫療之據。

神淳繆氏曰：一曰血熱毒盛，一曰氣虛毒盛。如氣虛而毒不盛者，可以徐補血熱毒盛者，勢必亟。一發熱便口渴，面赤氣喘，狂躁譫語，此其證也。一見點，即宜涼血解毒，急磨犀角汁多飲之，十可療四五。稍遲難救矣。又有血熱兼氣虛者，初發先服涼血解毒之劑，五六朝後，可以併力補氣助漿。唯初時不早涼血，則毒不解毒不解，則延至六七朝，勢必以參耆助漿，漿必不來，反滋毒火。又有血熱毒盛似氣虛者，初熱放

點神思昏亂足冷痘色白如水窠惟有唇腫口渴辨其火症醫者反以氣虛治之十無一生

王宇泰曰按運氣之說內經幾居其半而世罕行用蓋泥其常不通其變則以爲無驗余友繆仲淳高明善醫至排斥五運六氣之謬不容口余以王炎沈枯之說折之亦不服蓋未嘗虚心而細求之也假令厥陰用事其氣多風民病濕泄豈普天之下皆多風皆病濕泄耶至於一邑之間而雨暘有不同者此氣運安在欲其無謬不可得也大凡物理有常有變運氣

所王者常也  
所王者變也常則如其本氣變則無所不至而冬有所占故其候有從逆淫鬱勝復太過不足之變其發皆不同若厥陰用事多風而草木榮茂是之謂以天氣明潔燥而無風此之謂逆太虛埃昏流水不冰此之謂淫大風折木大暑燔燎螟蝗爲災此之謂復山崩地震埃昏時作此之謂太過陰森無時重雲宜昏此之謂不足隨其所變疾癘應之皆視當時當處之候雖數里之間氣候不同所應全異豈可膠於一定而與之言運氣哉

李泉施氏曰凡破陽後出痘而腰痛可療童子而腰痛是先天之水不足也不治驚痘易出者以毒由心經出故輕非因恐嚇成驚反易治也

戒菴李氏曰凡小兒出痘乳母忽斷乳者此爲祿絕其兒必死

蟻衣生曰疹與痘其症異其治亦異庸醫未辨而著書亦溷焉如陳文中名醫也猶溷同立論則他書可知矣

建中賈啓泰曰余先君治痘始於神宗初年大運寒

水痘多氣虛卽血熱之症行漿時而火無不清矣漿後而毒無不解矣卽有變症悉屬真元不繼縱有火毒未盡亦不過強弩之末總歸虛治無不響應魏氏之保元正是時之真訣也及予於丁巳至癸亥與曩局較若一軌自甲子而血熱者漸多矣其毒亦漸深矣向補宜從重者變而宜輕瀉宜從輕者變而宜重殆及丁卯所宜重瀉者雖極清極解而亦弗靈矣勢必蕩滌而元梟之勢始殺然猶放標起脹時之權宜也至壬申後蕩滌之法向施於盛漿前者竟有首尾



而難免者矣。歷年以來，居然成一定局，溫補者不過百中一二，可見大運轉於相火，治痘不同如此。然痘之形色無異，第多內症，伏毒耳。

又曰：升發之妙，非僅以提為升，疏為發，疏則第可以逐寒邪散熱，提則第可以助清陽發真氣，不惟真虛真寒惡毒所不能調劑，即如飲食停滯，暑濕穢氣，孰表下竅脈而得氣道者，其得以兼攝否耶？存心於此道者，必審其何痘宜疏，當不虛其表，何痘宜升，當不

毒，何痘宜升發並行，兩用而兩得其效。

何痘可以升發無藉，即得以無事為工，何痘宜寬中何痘宜清徹，何痘以不發為發，不以疏為例，何痘以不升為升，不以提為則，總令氣之得以直達，不為毒綱不為火蝕，不為邪鬱，不為穢閉，不使窒礙，不使消阻，得以拘領其毒而出，升發之梗概，庶乎其得之矣。得此機關，苦寒如芩連，辛熱如桂附，補塞如參耆，蕩滌如硝黃，何莫非升發之劑乎。

又曰：毒盛而後火者有之，未有火盛而不助其毒者也。如血熱毒盛者，血屬陰為寒，陰且熱矣，有陽而反

寒者乎其爲毒也兼火故不見血熱而兼氣虛者也  
是火卽是毒矣如氣虛毒盛者氣屬陽爲火陽且虛  
矣有陰而反熱者乎其爲毒也又寒故不見氣虛而  
兼血熱者是毒與火無干矣然虛者固未有不寒  
而毒之實者未必其盡出於火也是以苦寒之劑投  
於氣虛之人致毒凝而痘伏矣必梟毒與烈火交迫  
或先攻毒或先清火或攻毒清火並進全在臨症施  
治

儀賓聚芻錢太老師曰僕遍遊天下究心醫道者四  
十餘載痘疹書搜括殆盡未有明師指教竟不敢輕  
試杏苑兄仁人也吾書授之其擇師而行可也  
承山呂太老師曰吾家世浙東先子貫山公識天象  
察地理望氣如神於痘科學問甚深治法不過氣血  
毒爲主余終身推此而行百無一失俗輩論經絡者  
皆非正道

五芝黃老師曰痘家用藥干係不小若無他症只宜  
穩守不可妄治治則反生他症若在急補急攻之際  
須望色聞聲問症切脈其間虛實輕重灼然有定立

刻投治不可姑緩畏縮中病則已無過劑無好奇  
紫帆族叔曰初學痘症者讀熟金鏡賦看過三四百  
症半託胸中從此單看吉凶固無大謬但有一二奇  
症便無識見矣甚有好行溫補者不論的係虛寒輒  
用人參附桂好行攻解者不論的係實熱輒用大黃  
黃連以虛作實以實作虛不知天枉多少業吾道者  
固宜讀書理會可不投師真授耶  
吾父杏花公曰醫家一部靈素如業儒一部四書必  
要從頭至尾看得明白然後考究方書請教明師再

加細心經驗無論內外大小科自然觸類皆通切不可棄書妄治執書擅醫近來世人輒云某人專某科醫者亦自言專某科誠爲識者笑卽如痘疹我不過從靈素等書推而究心時人遂目我精痘科殊不自當所以授道椿兒未嘗講及痘書蓋因其理盡於大方中也

又曰凡看痘者有三要平日間預知出痘輕重一也發熱時知痘出與不出二也見點時辨痘是否三也平日間脈氣洪大勻靜者吉弦緊散數者凶手足心

及臍尻耳輪熱者凶，神氣清者吉，神氣濁者凶，將來出痘之輕重可知也。發熱時有似寒食驚風者，醫者若誤認寒食，其藥猶無大害。若誤認驚風，亂投金石之藥，甚至妄用巴霜黑丑以攻其裏，泄瀉真元，或不見點而死，或隨現隨沒而死，或成漿後不能收靨而死，誠可傷也。有等痧疹紅活磊落，若有根盤，看者往往誤認逆痘，抑知痧疹既出之後，必咳嗽壅痰，或作瀉鼻衄，其脉必浮，其神思自清，其身體自涼，與正痘迥別也。有等水赤痘，不多幾顆，有大有小，有漿有瓣

自頂至足，紅活可愛，看者往往誤認順痘，及正痘出時，不加省察，抑知水赤痘必齊起齊漿，齊靨，斷不如正痘之三朝齊，五朝漿，七朝靨，漸次而來者，其形色亦必明亮如珠，皮薄易縷，神思如常，與正痘又別也。

痘學真傳卷之六終

痘學真傳

卷之六

